

知
足
齋
詩
集

知足齋詩續集卷二 乙丑上

大興 朱珪 石君

正月六日翦蔬煮茗約紀曉嵐宗伯王惺園相公
徐樹峯宗承德潤齋冢宰小集知足齋作五老會
再賦五詩

紀侯老文獻胸有千卷書九河夜光歌陰蚌吞紺珠食
肉不食粟夜夢緋衣妹覺來覽鏡笑吃吃衰而癯形骸
吾何有妍媸非真如番番黃髮耆舊雨情不疏劉郎感
秋風緬爾春袍舒袞然耆婆首觀河無改初

韓城老宮傳鳩杖來朝正輕軒入 紫禁

前席優桓榮久與九老會君夷岐鳳鳴竭來者造德遐
舉鴻蜚冥休沐五日期勇退功與名巍然高太甲貽厥
蕃添丁屬公一樽酒證爾性命貞五年再相見太上非
忘情

宗丞老置吏敷歷春復秋莠民忽狡起翦滅如驅劉
帝曰非汝罪盜憎主何尤三出玉關柳十載壯士休虎
燕歸絕域契闊定遠侯游陟卿月上據鞍雄旋抽桓桓
趙充國矍鑠懷嘉猷

冢宰何清介老成更精瀛練事默而暫驕然中何緊車
馬如雞棲刻苦能法忍素絲夙夜風書律得衡準持躬

既有慙觀物比不筭斯實壽者相可爲寮案君
吾欲何云云無狀貪天多加年過自省竊祿功如何致
身青雲間指視眞駢羅昭昭鑒在上耿耿默自科綿綿
觀瞬息存存守中和五行內交戰眸子頻摩挲六根尙
如此九識難淨磨何當脫敝屣一笑歸盤陀

人日

人日春光花事增對時稽古亦堪稱草堂此節懷高適
貞觀當年接魏徵黃豆持經消胄沴白光緘舌轉升恆
劉郎數枉西王母嘉會誰參最上層

硯爲高安
朱文端公

舊物

高安風格迴凡殊石性堅凝戒剝膚詎以文章誇子墨
尙畱元氣養中腴自天景慶標星霽埋地光華振薛虞
珍重器求人與物西江一脈可同符

哭王偉人宮師

露泡電影幻如何等是莊周栩栩過昨日盟心尙樽酒
今朝淚眼欲滄沱

君恩三錫哀榮備臣命終身報稱那久擬淡談性命理
公歸倏忽少磋磨

降嶽生申大雅云騎箕化鶴豈虛聞平生耿節原無枉

垂老抽簪未離羣完璧重來戀

主澤首邱歸去感鄉枌門生海內知多少終始劉郎報

子雲

公終於劉金門侍郎宅

十一日同人小集古藤書屋感舊興懷慨焉有作

諸城昨鶴歸韓城復鴻舉雪焉旬日間失我兩舊侶此
皆老承華歸然靈光魯莊生等彭殤大年同宿莽試看
窗間花生意何楚楚同游大化中誰是柏新甫不如一
樽酒澆我梅與杜

子昂書家流

趙太常謙士

韓陵片石貴

溫庶子步容

少游淮海豪

秦司業易堂

大癡山水霽

黃贊善左田

更有山陰賢

戴編修東山

冰雪

臥蓬蔚結交得五子苔岑同臭味我今嘿不言緘舌笑
狝狝時復一中之交醉無問餽且樹萬家芳十年成蔽
芾時萬宮詹和圃寄宴同人二十金爲之種樹以永其惠

獨游極樂寺

春光天日好乘暇東南游局興誦金經丹粒香遠浮言
尋極樂寺看花洞屋幽唐花何續紛梅棣競冶柔木香
芬鼻觀無隱樨桂傳人工移地氣美哉真巧偷僧欲持
贈我屏謝無取尤歸來經阡陌西鄰兩荒邱茶陵畏吾
藏宛平翁仲畱兩相赫相望盛衰詎轉眸功名等浮雲
榮華春忽秋俯仰增感慨不朽惟好修

上元卽事

邦畿緩賦謝

恩綸 正殿開筵宴遠人
一品敷茵掖殿暖
九賓廣奏象筭新歸來
奠獻歌當午

詔覽烟光景及申
仰首待看明月上
圓輪徹旦四和春
恭和

御製上元燈詞元韻

岡阿泮渙鳳來游
環衛匡藩虎拜儔
今夕光華春正泰
近

天尺五得

天優

辰朝濃露開周宴

申命卿雲荷

舜恩接晝康蕃晉馬錫一春

膏澤渙羣屯

入律東風吹萬竅出門西笑樂長安歲豐太乙牛鳴窳

今歲乙丑

日吉同庚馬解鞍

是日庚午借用雅詩意

象寄東西鞦韆陳安南緬甸部番新寄來燈火光于晝

黍谷明都悉

主臣

光明下濟正持盈

德澤陽輝布四瀛不禁金吾與眾樂臚歡喜氣普郊城
珊瑚燒海開仙樹纓絡垂天照佛燈奮地同聲殷萬鼓
掣霄流景最高層

熙熙萬物樂登臺春到陽光霽爾開無量大千和玉燭
有聞功德震淵雷

調御

龍乘轡不柔

光臨辰拱眾星稠衢樽壤擊今宵好得月還登近水樓
極樂寺僧再送唐花四盆作後唐花曲

春風一夜顛如許研滴冰壺凍花雨上人承筐護畝芳
就中馥馥揆春香綠甕盆列齋園左四美雙雙花婀娜
揆春不用窺東鄰蓬居亦覺香繽紛海棠帖梗丹欲吐
絳桃火樹窗照午月季長春千日紅清明移植繇葩叢
我時獨坐萬花裏方丈維摩環玉侍後堂絳帳自春風
不比康成詫馬融

早起坐書屋東齋

書屋左个暖馥馥我花香擁鑪煨榾柮息息華藥揚氣
澄月逾午照牖東齋光一燈炯相對兩壁圖書張而我
暫假寐倦僕屏風僵豈不感夙夜靖其勉循牆明星爛

南斗待漏趨 書房

恭和

御製題石君大學士知足齋詩集用集中嘉慶元年七月內連奉 廷寄

恩旨命珪來京將授爲大學士恭紀四首詩韻元韻謹序
欽惟我

皇上好學日新光謙天濟次臣紀

恩之韻

題臣知足之詩以爲繼定志於

純皇仍宅揆於

先聖

手揮序弁豫

授宣麻極儒

臣

特達之知爲千載無雙之遇

臣

伏讀

高宗純皇帝御製沈德潛歸愚集序曰人臣私集自古無御序例德潛晚達而受知者惟詩夫非常之人然後有非常之遇德潛受非常之知而其詩亦今世之非常者故以非常之例序之此眞曠古之盛事也案序作於乾隆辛未小除夜時德潛官爲侍郎明年致仕其後加銜止於秩宗而

恩眷衰於毫及從未有

兩朝榮遇

一德作孚如

臣

於今日者也伏念

臣

自戊辰出身詞館

數歷中外者五十年逮於丙申入直

書房咫尺

光華者三十載屢以文字

恩諭褒嘉重拜

絲綸榮除親切

獎借則愛而忘醜

撝謙則冲平若虛

臣

何人斯感而涕出俯捫丹悃莫報

蒼穹謹和

龍章竊鳴蚓竅云爾

溫綸前席

玉音傳拜捧珠璣

鳳藻宣竝世

題詞異蘇軾畱貽

昆命屬齊賢十年樹木成陰後

三錫承休作礪先端揆同符感遇獨風雲聲應協坤乾
慙說耆英稽古榮起家承乏游公卿雲遶來往儀鴻渚
竹實迴翔老鳳城

麻詔重申霑欲涇

錦章三復賁還驚長人休戚求仁體策室綢繆謹匠營

授體仁閣大學士
管理工部事務

槐閣春容領百官
火城夙夜飫堂餐
人才濟濟須培養
士氣蒸蒸勉慎難

文德惟純參宥密

湯仁若網祝恢寬
嘉謨入告齋心籲

哲惠先陳在智安

在筭求衣振敝綱
官占

舊卜樂

新知披呈丹地

光臨咫尺語及蒼
生春滿帷三沐三薰

膏醴渥十思十漸寫藏私躬逢交泰

重熙際敢獻屢颺萬善辭

二十七日謝

恩

召見于

乾清宮東煖閣 奏明卽日恭謁

裕陵是午啓行晚宿通州夙興再疊前韻恭紀四首

蘭言春暖鳳阿傳梅鼎香聞玉卣宣知足載

賡遲節足得賢自昔使隨賢三三繼

志旬周浹

丙辰冬出缺

乙丑宣麻正浹十載也

純皇有卜枚之意甲五五

重光甲後先

正月二日丁卯
諭二十六日辛亥宜

召見有大喜之
旨恰五五也

恩沐

兩朝培更篤

聖符一揆

慶承

乾

譽命謙鳴非分榮拜颺喜氣見雲卿童年仙榜傳京兆

珪年十七丁卯秋闈第六名開榜蔣京兆
歡呼得神童矣姓名當時上達北學

天褒出

帝城

庚辰春珪以講官侍班觀耕臺
上問汝京城人北方有汝好學問耶

廿載承華

香案侍一誠抱

日夢魂驚祇今

綸閣兼邦土何術蒼黎爲度營

守道何如且守官貪叨那復計衣餐扶搖自幸成功易
跬步誰知行路難頭上去

天真不遠面前有地且容寬聽籌五夜頻三省體物求
仁勉利安

儒冠儒服辨淡繡文行修能慎獨知葵日春明朝朔且
松雲佳氣仰

穹帷長號其逮

升龍遠短草偏濡降露私僂指遄歸吉戊夙餽餘

五福備陳辭

計程四日戊午早請
卽趨侍 坤寧宮餽

祭肉 安

宿邦均

朝食夏店過迤邐白澗路盤山在其西白雲莽迴互晚
晡宿邦均三十薊州距厥明東北發回首香華樹經尋
獨樂寺聞思普解度慈雲雨法雨春野霈傾注後樂與
先憂此意方厘慮

獨游薊州獨樂寺禱雨大士閣

漁水出漁山獨樂我獨游清貧兩闍黎迎送面鵲鳩敷
席誦大悲金姿仰上頭三旬澤未布千里風沙浮安得

一滴水灑作百丈流花雨散曼殊殷雷起淵蚪氤氲濡
大塊膏露先神州苦厄度一切皆災赦衆尤虛空福無
量同上波若舟

二月朔旦謁謝

裕陵恭紀

軒雲蔥鬱滿空同追慕烏號泣墜弓豈有文章能報

國但餘悃悞可據忠頌揚班馬工何補調護蒼黎體自

充

每奉

頌過又面承

班固之褒

殊批詞工

老矣桑榆春露渥

天平魏煥保元功

祈雨得雪志喜

竭來經獨樂禱雨觀音閣聞思呼吸通俞請無宿諾今
晨瞰扶桑及午雲旁礪禺中復申籲三旬風苦虐蔬餐
發薊州廿里塵淨瀾行人訝氈戴眊目疑絲繚列申抵
邦均出興驚鶴鶴仰首謝佛姥膏露灑鑿落童天與龍
女左右撒凝酪入夜皓迷濛夙興尺寸度遙知
天心喜時哉蘇民莫何以酬慈恩洗心更齋濯

曉行

春陰雲尙屯集雪皓在目四野淨無塵輕寒氣已淑豈
無思調飢我腹早饘粥麥麴可卜收疹疾散塲驢大哉
天地仁陰陽無愆伏從茲召和甘時若雨暘燠

二月四日偕紀曉嵐同年翰林院上任作

十上瀛洲忝領袖

珪自戊辰館選辛未授職壬申升侍講戊寅升讀學乙未由布政使重授

講學己未教習庶常壬戌協辦

癸亥掌院事甲子

上幸翰林院今乙丑拜端揆之

命遂爲二十七科

之首十番

九成鳳翽久迴翔

紀公自甲戌館選丁丑授職辦院事海歷學士後謫

到院也

召授編修總纂四庫全書

戊環

開坊再爲學士今參大政九

羽鳳池矣

同年卯榜重叻

奏前輩龍頭愧角昂五老開筵逾八秩三公論坐孰驂

行上卿小翰徵

天語

御製詩有小翰他年盡上卿之句

典故詞林佳話詳

命充會典及國史館正總裁恭紀

皇成玉尺秉裁量

珪本充實錄館正總裁

國史官聯副墨行

拜奉

絲綸重

錫命總司館閣兩承光讀書悔不十年早格物難言二字長濟濟多才疇是正精詳資善敢無獲

長新店送王文端公歸旆

繡帟旌旄自東迴知是騎箕踏尾徠端甫袞衣香晚節玉清上尹重仙才嘉謨丹悃紆

前席元氣蒼生屬後來河嶽韓城千里望舉頭匡冀
魁能

展拜 先壘

午食廬溝橋晡謁二老莊松柏環楊柳鬱鬱何青蒼辛

亥我本命是辰

宜麻黃卽日趨

東陵丁卯面

穆光癸亥賀

天喜

諭拜先人藏

君恩如家人擇日乙丑臧昨正兩書館今夙上謝章傳
旨給假往便送故輔王咫尺西山麓薦汝祖考薌臣榮
感而泣 祖德佑甚長蕭山十五世西山五世昌三兄
皆列扈諸姪班拱將暮宿金霞坡妻子梅玉芳左卜謝

母兆種樹園堵牆顧謂古華兒惟孝蘭徵祥回首叫坤
紫霞鳳朝珞珞

送王文端公喪至長新店吳編修裕德汪學士滋

晚費掌科錫章留宿店中爲經紀其家事感而賦

之

桃李徧四海三實何離離文端歸諸天爲敖遺孤羈
聖朝鑒清亮飾終厚

恩施凡民尙匍匐何況舊輔師送者車百兩三君獨後
歸歲寒知松柏經理無憾遺平生好獎善感槩作此詩

塔游歌廿五韻贈戴東山編修

玲瓏寶塔觀想空
心目內視磨旋中
跋足層上穿屋墉
環畿千里青迷濛
再上四維華岱嵩
飛身俯瞰海西東
身如轂轉天水通
裊瀛九點一氣盅
七層之頂金姿雄
仰面又見崑崙柱
隆凌虛七寶修月工
金天明星銜黃鉅
水辰輔日交霓虹
日天黃陸緯赤弓
熒惑賜睽蚪珠紅
歲爲木德蒼精熊
鎮土積厚憑剛風
萬沙恆星經崆峒
大氣之表周枻幪
逐之萬動誰爲宗
飄然忽落三田融
夜猶未央子半冬
塔鈴不語十二鐘
問我是誰東山翁
一笑樂矣匹是公

哭紀曉嵐參知

交手頻珍重觀河舊雨情霞珠還九派雲石悟三生入

閣方驂轡

廿七日並轡上內閣任

承筐未譜笙

擬丁卯秋重宴鹿鳴今公不逮矣

不知幾望月可照錦衣行

以十四日酉時逝

移根

盆花十六株爛漫馥且都春分前三日移植庭北區金
屋豈不佳暄潤非天數瓶盎雖愛護詎若親地腴及茲
微雨後願汝香色舒九妃從七娣環列嶽婢妹我亦淡
忘之方丈何清虛

解擗

愛竹束以橐護花包用茅嚴冬避風烈及春宜陽膏試

爲解其擇芽乳已漸包亭午正暄和東風亦扇條紫荊
旣甲坼翠竹何疎蕭玫瑰刺尙弱薔薇臥似嬌何當雷
雨作萬卉咸解叟

廿三日慶董兩相公戴大農英少農趙銀臺邀劉
長沙參知暨予於近光樓卽事

春暖宜觀傍水樓招邀仙侶卽瀛洲雍容退食乘清暇
淡澹歡言錯獻酬醉飽羣賢眞雅會贈投七子紹風流
五旬三相聯鴻影

謂諸城韓城獻縣三公相繼徂謝

那得光陰負好修

種樹

澄園八仙居和圃廿金釀樽酒高會樂嘉樹甘棠譽二

者孰爲得十年計不疎花戶召相度爲植四十餘紅緋
間青素桃桺李杏欄眷分亥過四春社戊利鋤是日宜
栽種繞山傍水淤仰蔭古松柏俯映新芙蓉游人同攬
結眾樂逮雅魚皇華及瓜歸滿園爛錦旗

顛風

顛風一夜劇竊擬花狼藉素心雖不渝盛顏恐變革夙
興攜明釭周巡花阡陌居然保天姿干苞含未坼簪珥
或墮遺芳菲猶眠眠如遊方蓬瀛風水渙然釋今午暫
別汝還尋快目逆

乙丑春闈次聚奎堂壁間明王衷白先生韻二首

東同事諸公

五八春闈瑣禁淡三旬神鑒旦宵臨當年早射蘭成策

先進慚推翰墨林論造司徒進士尚書今競爽淵源少

宰昔抽沈甬堂少宰庚戌所取士也同舟廿二皆仙侶老我相將一

片心

逝水飛光感最深年年雁塔快登臨相期秋實成嘉樹

且賞春華發茂林七載同人多顯達己未同事劉都憲今任協揆阮少農

出撫浙江文閣學今官少宰珪以尙書今端揆矣同考

英司農和昔少詹也方中丞維何昔郎官也徐給諫澍

昔御史也李少空鈞簡昔講學也汪給事鏞昔御史也

金司臬光梯昔郎官也張太守聞昔檢討也倪御史思

淳昔郎官也章京兆照昔御史也汪學士滋晚昔檢討

也潘少農世恩昔講學也趙觀察文楷昔修撰也惟趙

檢討未彫開坊後左遷原職陳侍郎萬全昔少詹而今
逝蕭給諫芝昔御史而今告歸吳學士廷選昔侍讀而
今逝初侍讀喬齡昔編修而今告養吳觀察樹萱
昔郎官而今逝然二十二人未有不遷官者也
五旬
三相倏升沈諸城韓城獻縣三公皆舊司衡也未來現枉今猶昔只有
生生不住心

喜雨

好雨及春宴潤此婪尾芳明晨屆清和花發香滿堂豈
無感花客搔首空蒼茫花開君莫羨花落君莫傷年年
時雨若但保根莖長三春春更好桃實棣有常霖施徧
四國松柏何蒼蒼

朝餐望霏霏晨晡淙有聲麥涵飽秀實禾黍膏沐莖三

農慰臺笠五夜通精誠昔听雩龍見昨月麗畢星天心
速昭格澤悅方盎盈我亦樂我園百卉蕃敷榮紫藤綴
珠絡紅藥翻階英

三月十八雨戒臺花繽紛四月十七雨說法先香聞六
時心齋洗半夜曇慈雲時當春夏交辛壬脈氤氲將離
丹素灼宵合聶炕分不知東方龍已度南風薰吾將抱
吾一百轉黃庭文

間吟

動中觀人靜觀我雲衣變幻無不可人心不足隴蜀爭
鏡照空懸妍醜夥今晨盟沐游我園芍藥含露長春蕃

呼奴汲水爲灌溉但覺靈霖華泉源園名知足花萬叢
流水活活環西東芙蓉千朶映濃黛盤陀一醉娛酖紅
四序看花人易老忙裏偷閒日月好神游八極樂有餘
默轉三田長不稿

五色薔薇

晨夕樂我園左右靚粲者薔薇何瑣般五色爭姚冶
眇眇籬落間丹轉河上姤如戲羅浮蝶萬舞翅排哆如觀
之朶蜃九成疊鱗瓦如游大宛牧五花散天馬如聆霓
裳曲靚妝豔月姐如聞玉女香芬郁九天下如翩丹穴
鳳從以翬翬夏如封五方土勾龍間大社如標赤城霞

九光暈魚雅時當乾姤交陰陽變紺閭晴雨風露宜
噴更盟灑天姿出眾嬋異香襲衿袴欲借丹青手有筆
不能寫我姑閉目盲空觀色卽假

趙謙士擢少司馬詩以賀之

翠翹久賁重儒冠

綸詔新除貳夏官文采風流傳美素旂常金石載書丹
恭言溫樹宜題馬羣望珠林競集鸞寄語君家好昆季
卅年征邁報扶搏

溫步容司成爲蓮花詩作歌

司成邀客觀蓮華季夏下潯花辰嘉瀛洲園中池沼漲

灣濃錦繡鋪明霞
旁人偷瞰但驚詫
謂是天上羣仙家
西門渡橋萬柄放
南北迤轉東注窪
三支分合影丹翠
松柏檉桺榆桑槐
明月火珠焰流汞
白雪星點黃金芽
游鯈發刺飛鳥過
美人妝鏡籠輕紗
是時潄雨雲鬢黷
香染色湯燒畚坐
中如玉玉臺主蘸
濡毫素揮八叉
子久有筆畫不得
天然姝豔炊胡麻
盤陀老人亦好事
折揚不醜下里巴
遏雲映劒者誰子
秦青戴晉絨不譁
士龍大笑且進酒
玉井華藏難爭差
莫忘前時爍金石
火中開蓮蛇吞螭
爲霖三日是誰力
賞花聽雨樽頻加

南榮開軒

南榮開窗牖俯臨芙蓉池池水繞山左山樹交參差坐
對收面勢花鏡朝夕宜編席遮午景薰風入戶吹我師
叔孫姥舍館勤葺治直廬況

天賜吾衰臥游奇後來誰同樂此樂非吾私

紅蓼

蓼莖長於人蓼花紅瓊瑤陸生畦畹間羅襪塵不落

檉柳

檉柳抽赤心碎珠吐瓊琳春花更秋實倒影芙蓉潯

悼姪孫富興

汝母既先逝汝父方遠游孑然鮮怙恃遭癘竟不瘳汝

齡逾中殤

年十六

汝死未逮秋

以十四日卯時逝是日巳時立秋

暫殯趙

岡口依母柩一抔

患瘍

患瘍十五日正當中伏時今屆末伏尾澤山遜已肥五
瘍潰其二靡腫何支離我疾非膏肓何用世俗醫三瀆
煩

清問曰暑侵肝脾火燥水不濟民瘼同癘疵土潤大雨
行可以蘇蒸黎今夜雖小雨已覺郊田滋何以釋
宿肝恫鰥

念在茲

美人蕉

葉展碧芭蕉心抽丹紫玉雨肥夜有聲晴盡午正旭

晚香玉

晚香濃入夜不比梔子清試問彼美意何如淡以成

贈張明府

謝

張生武威英胸羅武庫富十五歌鹿鳴二十登麟圖奇
文儼揚馬識字精斯繇古韻略梁沈官律失科曰百里
試龐鳳潮沅叫猿狄玉屏高崔崔黔書核利疚中間弔
屈鼎誰與貢包袖高堂勞帖帖寤寐想邂逅欲排閭闔
雲空望鵷鷺遘人生各有命爲善天必祐軒冕與山林

喧寂同一漚君年未及壯垂手勳可就不如從吾好三
立期上壽

牽牛花

牽牛翠於藍施蔓同蘿藦遶水望盈盈倚竹更嫋嫋黃
花與紅蓼掩映何娟好小草亦有情睨彼奚獨皎

分芍藥

芍藥七十本種之四五年三畦各蔓發緋紫皓皎鮮我
欲疏其科分根白露前左右闢方丈地寬舒枝駢理孫
不逆防執花如治川土化糞以擁本肥苞碩妍明當清
和交婪尾豔玉田五色想灼爍暘雨爭晶黠丹汞合金

華流珠爛光蟻前咳本芍藥香界春無邊

闕畹

庭中花畹六合之廓四方中央樹紫藤其外蒔菊芳乘
茲秋雨露徧插晚節香清馨夜昕發五色環中黃灤潯
旣滋沃照曜立秋陽明年高蔭覆當夏迎薰涼敢云十
年計吾衰晒榆桑

西山拜先塋

雨足晴光佳秋郊淨無塵輕軒頓盧溝午景河齋齋入
山路逶迤宰樹何鬱鬱自我十三來六十三秋春我有
三哲昆仲叔中壽屯伯兄七十六筋力弛五旬

冠山兄
自辛卯

後稀入
山矣
我今七十五款段能周巡感謝
祖考庇強勉

提精神呂邨我畱壙骨肉歸其真去來吾何戀誰媿上
古椿

滋碗

氤氲雨露沃重以頤浴肥三才合培養安得不蕃滋有
如人材篤爲善日孳孳所生與所因加護無稍虧哲士
樹功德根溪漸上歸花碗可取喻勛吾賢聖希

芟蕪

蕪葉日以去嘉華日以露如人克其私善根彌潔固我
興環吾碗草木何脩姱芟穢畱其芳菁英斯昭著秋陽

清以輝秋露濃以溥皜皜更濯濯蕪乎何愛惡

微雨

昨午栽花今夙夜不須澆灌花意許浹霑霖玉露灑
東方未晞草樹溥芴藥根潤菊藥肥金藤葉鮮桂香扨
蟲聲在宇天欲曙虛空清氣我能取听然一笑默不言
誰其知者莊周栩栩

卽景口占

秋水盈盈自在流白雲浩浩向空浮內觀鴻洞渾無我
俄頃神超十二樓

恭和

御製出山海關作元韻

四城三衛築初明
層層如何固帝京
鳥道極天雷殷鼓
鯨波伏地雨殲兵
當年戮伐惟

謨烈今日關津視
蕩平永念幽岐所
無逸一家中外頌
維

清

恭和

御製廣寧道中元韻

廣寧實雄緊殷鑒
平陂更輿尸使不
當倒阿律否貞熊
王誰左右鶴鳴乖
本兵豈知六出計
遂壞萬里城棄甲

化貞撫排闥三軍驚可憐忠義帥盧死熊就烹關外旣
水火平臺空舌爭

聖言灼袞鉞大義非經生

丹鉛筆詩史消長幾謙盈昭茲萬萬古秉一

天長

清

八月十二日庚戌同人餞送王芷堂侍御治模於

陶然亭邀予在坐時芷堂出守雲南

秋日正光潔亭敞曠且清盍簪饒良友去去萬里程王
君起關左卓犖御史行一麾守滇蒼五馬方遄征時當

觀之漸珍重觀我生尊陽各有志忠孝天所旌觀民先
觀我正直道蕩平風上地有山水鑑火照晶進退往無
阻觀察威德并吾老喻農馬酌酒屬一觥舉頭見日月
咫尺天聰明

贈姚封君采章

吉士原
紱尊人

面桐山翠皖江橫合有高賢接跡生喬木宗聯張左姓
雕龍世美簪廉名錦衣歸省宐斑舞好爵和聲聽鶴鳴
自是蓬瀛多樂事一經積善勝金籊

送賈金臺指揮

銅
佐郡施南

施南楚蜀交風俗剽而勁司馬實監守民事參利病賈

君起河北三輔試絅競魚鳥樂寬和郊垞歌清靜行行
指荆渚霽月拭秋鏡洛陽恥刀篋太息陳主聖知君仁
里美達人宜從政

若籍濟縣
端木故里

請看賈父來塞帷萬夫迎

余考功

本敦

屬題琴鶴朝天圖

井序

圖爲考功六世祖方伯

國賓

守濟南時郡人所

贈作於明神宗癸未春案史壬午爲神宗十年
時張江陵當國奏行考察之法是夏江陵雖卒
其法未改江陵綜核名實吏治肅然亦救時之
能相也方伯有廉聲年五十以江西布政使致
仕可謂賢牧伯知足勇退者矣此卷至今越二

百二十餘年而復得珠還璧歸清白之子孫必
復其始考功能文章光於前蹟吾故勛而雙美
之

三衢灘駛峯笏鑱人物峭厲廉不賺余公初守濟南日
政成吏畏民和誠江陵當國責名實郡尹入覲朝廊巖
紳耆攀遮作歌繪高軒五馬前旌繆游升郇召及知命
急流勇退收江颿此卷流傳二百載龍劍津合璧出函
來孫文采照魁斗蔚然郎位星高嵌寶之由余世珍弄
我詩紀實言無僂

知足齋詩續集卷第二

知足齋詩續集卷三 乙丑下

大興 朱珪 石君

恭和

御製

昭陵石馬歌元韻

大清建國

崇德昌布昭

聖武方當陽長弓大箭萬夫辟駕馭貔虎馳兩驕當年
鏖戰數松杏二龍如手從王良十三萬甲盡殷赤追奔
掣電神飛揚鷄鳩來巢蒙古順句驅東下班鳴驤喜峯

出入幽薊刷錦州蹴踏

威靈彰到今龍媒雙突兀天骨卓立麒麟旁太平肖像
勒珉石懸河洗馬戈刀藏撫摩鱗鬣想汗赭

帝歌忱惕霜露傷銘勳紀績垂萬古彪彪雙駿誰敢忘
瑤臺夏御追禹蹟地行天用思無疆臣賡畢望闕扈從
頌禱

乾德惟欽禋

恭和

御製長寧寺恭瞻

太宗皇帝所御冠服恭依

皇考元韻元韻

實勝長寧聯梵宇

我冠

法服鎮林園就瞻迴向

三天佛暉潤光輪

六世孫

敷訓洋洋貽厥遠臥碑朗朗念茲行

紹衣稽古遵

堯典風教從今重篤敦

九日餞席作

秋風送行人望望千里道菊英大于孟凌霜香滿抱浮
雲倏聚散何必長安好百年如飛車誰挽白駒皎新新
皺面多故故華髮少窮通各有命造物非善巧王喬與
洪崖遊戲俯八表升高戀桑榆學道悔不早進岐更執
祛珍重黃庭寶

題鄉關乘傳圖爲周東屏侍郎作

嗣皇繼

聖升中天司農奉使秦蜀川周爰四牡秉節蠶明裡幽
格兼行邊庚申之春未偃伯伏莽猶煩井野索相如擁
蓋櫟已叩清獻焚香問梓潼君家江水通彭涪先公

大司

馬文宰樹森山邱星使靈蛇告疾苦海槎異雀喧流求
文恭公會奉使封中山王君今攬轡榮鄉里父老兒童爭視指羅雲
鐵櫃聚嵐光石鏡銅梁散霞綺好事傳觀使蜀圖錦衣
高傳飄鬚鬚翰林典故增池鳳家乘風流說大蘇

恭和

御製恭依

皇考望醫巫閭山三依

皇祖元韻元韻

巨鎮雄東北鑱空矗玉蓉噴雲葩六出飛瀑掛千重書
祕無人境桃開最上峯秋霞冠杲日冬嶺茂寒松珍府

珣琪美幽都十二封因升修望秩懸宸飲禋宗長白遙
翺鳳凌河曲抱龍

帝賡

作

述古元氣宿羅胸

十二姪錫爵拜授淮安知府之

命紀

恩卽以寄警

淮安實劇郡湖隄高于城地形如釜底湫隘居以生黃
淮交兇咽赤子魚頭腥何以捍民患何以謀飢饉

主恩厚難報 祖澤培莫傾勿謂才有餘治大如小烹
勉善保天佑天道有虧盈擇取慎猷爲智巧遜拙誠刻
鵠勝畫虎少游言非僞吾衰甚矣夫寄汝當書振

蒙

恩賜堪達漢搬指恭紀

時第三曾孫生名以貫林卽寓桑弧之意

鹿角成疆指桑蓬志四方韞能強貫甲決飲巧穿楊熊
夢符冬兆魚多荷

國光曾孫如有福朱極叶三祥

聖駕東巡

盛京祇謁

祖陵禮成恭紀

用風雅頌目爲五言
四十章章十句謹序

臣

案周有天下卅世三十卅年八百而自后稷開
基至於文武綿亘夏殷千有餘載我朝

世德丕基奄有函夏與周比隆周家發祥邵室芮鞠幽
岐啓自西土而我國家由長白混同大東朔造
得

天地發生棣通之氣鍾靈尤厚故自

肇祖龍興赫圖阿拉泊我

太祖高皇帝作都瀋陽

太宗文皇帝十年遂成

帝業豐功偉伐遠軼鄴鄩及乎入關定鼎首以德綏所以得天下人心而貽

列聖宏謨者在此至於騎射以訓勤冠服以示儉蕃息以孳生肄獵以脩武遼瀋土風厚逾幽俗昔周公敷陳祖德七月生民諸什推溯原始形於詠歌細及室家物候之微大紀開創艱難之甚今我

皇上法

考率

祖恭謁

三陵先是癸卯秋扈

駕雲從

面稽

心籲越十三年

大寶

授受越十年乃舉

盛典

頌成歌作

臣

未獲隨

豹尾之末謹依詩幽風大小雅

頌目爲詩四十篇闡述

聖

聖師承聿追來孝之義以獻

七月

皇上東巡謁

陵陳風納賈不忘舊俗也

七月大火流斗車指扃明眷言枌榆鄉瀋陽惟舊京

太祖創洪業

太宗開

大清遼離廿餘年

幸皇上自乾隆癸卯從盛京距今二十有三年法

考展

聖誠 龍旂出山海河漢秋無聲

七月大火流八月露爲霜遼民耕且獵九穀方登場相

呼入山林射鹿竝得麇

太祖介冑重

太宗弓矢強神鎗殪熊虎

十武功告成

七月遼婦織霞縹照樵室

以樵皮覆屋名周斐

十布勝一縑

太

宗文皇帝曾諭諸臣一縑爲一衣不如十布爲十衣

三日斲五匹呼兒試斐蘭

榆柳

小松鼠階下立凌晨呼蘭爨

呼蘭木竈突也

競往溫普山拾明

當祀旂竿執豕從園竝

蕭蕭關山路依依老幼羣迎

鑾似豐沛七葉

寬仁君相傳又三省不異

開國勳松山大凌河

祖武多舊聞無勞民疊道潦盡同瞻

雲

七月鳴莎雞五月解麋角麴麴炊香餅小米漬甘稱壺
漿迎路衢松子送行幄不愁儋從暘秋瓜連腴貽物產
固豐饒行庖嘗蝦鮓

人獲本仙草可以壽

宸羞豐貂溫且腴當爲

天子裘列肆製皮冠鼯鼠毛細柔精剗堪達漠磋切同
荆璆佩服自

高曾多爲勤鞠謀

七月稍再熟八月打連耜我本執戈人飽飯不在家烏
韉跨生馬風急弦鳴鞞臂上海東青利背窮平沙騶虞
性仁厚一發雙麋麋

今年七月遲已過六月閏

吉行駕羣龍豈但馭八駿

炎靈雷雨區

黃帝風雲陣六盟朝朝來百辟旦旦覲

帝心般優渥仰稅

橋山峻

七月澄海秋八月遼城月遼水達混同高麗亘北發皇
哉

聖清朝闔闔開 官闕

漢仁先九宇

大武懾窮髮物性格

至誠高原放鸞鷹

一之日薦鮪法喇滿渾河二之日乃臘獵畢豪豬拖

聖仁暨南朔珍錯歸載馱大魚百檻車牐鹿千駱駝地
產實豐阜長白鍾高哉

七月十章章十句

生民 長白開基朱果降祥神鵲表異自

肇祖七世至

太祖又七世至

皇上代毓

聖神也

生民溯厥初長白何嶽崎上有闔門潭下有布勒池

天女吞朱果誕育

真人奇三姓共昇歸徇齊稱

君師卽有鄂多國滿洲初肇基

天男生能言愛新覺羅姓百里闢非常爰啓東方盛含

果之神鵲再來保

後聖

肇祖恢赫圖

太祖膺

天命七世紹

聖神昭哉先

毓慶

維木必大本維水必長源建木峙千尋枝格高參天河
源出昆侖地底從東旋彎弓射月嵒控矢咸池邊拓疆
自東夏廣矣恢幅員

呼蘭哈達山赫圖阿拉城自東而之西

肇祖赫有聲

天生曼殊智慨然志澄清既遠寧古塔吉林千五程公
劉廟館在甸阜夕陽明

天既訖明命

太祖生誕受

天表立東原氣已吞大九棟鄂首濯征圖倫卽奄有

興京啓遼瀋百戰終朕畝敬告

神聖孫無遑晏安狃

誕

太祖之勇

大勇兼

大智有甲奮十三匪惟精射騎一人出一矢牛最初設
置以次分八旗額眞又表異旁午製清書度越垂裳治
誕

太祖之勇

大勇成

大功神機夜擊窗血戰手挂弓蹴平蒙古部警服朝鮮
衷壹戎殄末銳三遷營大東以有

丕丕基艱難厘

聖聰

太宗初受璽弗遑安晨夕內制定官常外謨森戰戟松
山錦州師薩濟同褫魄長征抵燕郊弔民似西伯
天柱暨

隆業肇祀緬疇昔

誕我祀如何

堂下頤鴈多奉牲有剛鬣奉盛有嘉禾烹割漑鬻金簿
正不枉他豈無博山熊豈不射天鵝土風報

神重執翺舞娑娑

叩盛于登豆

天子謁

陵山配

天惟

列祖奏格時無言

肇禋迄萬禩

睿知臨中原

上帝實來饗來饗思其源何爲

天饗

帝

帝乃

天男孫

生民十章章十句

吉日 我

皇上諏吉

東巡錫宴考牧率

祖攸行也

吉日涓癸亥戊辰乃

啓鑾

皇帝大功成三省無遺患

祖

考仰鴻佑

廟謨垂不刊敬

告立

元良永惟萬世安

創業誠不易

守成良獨難

高宗御諭創業不易守成難我
皇上三載聽訓廓清三省可謂

守成
難矣

吉日孟秋望前期白露零日躔鶉尾次宵正牽牛星灤

海戒行蹕

恩膏徧所經引

衣沾涕緬思元黃戰草昧天地閉

列祖定萬方

功德垂億世徂東殊周宣百辟從

殷祭

百辟衣冠會九有車書同名蕃回接準屬國北兼東自
古非今始

天命及

天聰

康熙

乾隆年偕徠迎道中供帳設醕酪歡呼瞻

昊穹

皇帝飭扈從老邊渡遼陽下上遵夾河天橋陟崇岡夏
園仰

天作高山儼在望西流三百里龍水抱中央 英莪門
不遠 興京會羣方

二陵氣鬱蔥

崇政方啓宴鈞樂頌鐘鳴韶舞睟麟拚其肴肩瞞烝其
藪松曹薦千盤盈珍鏐百筐散組練允矣萬國歡展也
天皇眷

皇帝莅

陪都緬想

松雲屋 正殿臨十亭高閣闢四

壇

堂綏千祺

廟祐錫五福

戎衣齋邀瞻

碑訓殷勤讀

受賀裸將臣

推恩惇睦旌

皇帝登澄海三千練水犀觀潮海門外巍樓榆闕西靈
仙來三島嶸望集萬黎出日煙散暈吐珠雨連輦賡歌

樂侍從 霓旌拂天梯

吉日十章章十句

清廟 序周公既成洛邑朝諸侯率以祀文王焉
我

皇上東巡 陪都合萬國之歡心以祀

列祖軼周典矣

於穆

大清廟

列祖神武憑

皇帝昔來祠

冊寶親齋升

紹衣今對越下拜容兢兢屬國恭陪禮宗人執豆登

祖

宗無疆德

主罔永不承

清廟一章十句

維天之命 序太平告文王也我

皇上承萬世基廓清三省告功

祖陵太平無疆之業克仔肩焉

維

天命我

清於穆純不已

開基二百年

祖

宗功德歸洎

高宗純皇拓疆幾萬里九年又三省武奮兼文揆溫我

我共收

曾孫濟

前美

維天之命一章十句

維清 序奏象舞也箋言天下所以清明者乃文
王有征伐之法

皇上六師凱旋敬遵

列聖之法大武之舞可以奏矣

緝熙寰海清我

祖有遺典文脩武不忘

碑訓垂勛勉

皇帝握廟謨

明諭

家法闡大韶宣大武盡美又盡善征伐乃吉祥箋言本

無舛

維清一章十句

烈文 序成王卽政諸侯助祭也我

皇上臨寓十年外蕃蒙古四十九旗台吉回子伯克札
薩克朝鮮琉球南掌越南廓爾喀荷蘭諸國各以
時至乃舉

東巡匡藩奉職

盛典也

烈文化上國粃稼盈下邦我

祖聲教桴其球凜

駿苑

皇帝卽政始大啓明八窗

舊典盡舉行謁

陵駐鸞幢辟公虔繼序奉職心增懣

烈文一章十句

天作 序祀先王先公也我

皇上恭謁

山陵祀

四祖

太祖

太宗宗伯司樂各脩其禮焉

高山興雲雨長白超岍岐

肇祖橫甸荒

太祖兩京治成邑遂作都奚止五倍其

太王遷岐三年五倍其初厥

初花園景實啓山河基展謁瞻

天作懷哉禘禘期

天作一章十句

昊天有成命序言郊祀天地也我

皇上每歲躬祀

兩郊茲

駐蹕 陪都虔祭

高宗純皇帝所脩

兩壇不忘始也

昊天有成命

二祖開 盛京維峙告

郊壇載旆中原征

寬仁止苛刻安靜息戰爭

皇帝不敢康緝熙而光明 陪都展殷禮億禩天下平

昊天有成命一章十句

我將 序祀文王於明堂也

皇上祀

太祖

太宗於

兩陵又申

廟享明堂之禮

濟濟復瞻瞻我將而我享儀

文皇之典告慈知肸蠁

太祖擯衣儉

太宗騎射奕配

天無慙德

昭陵日昭朗夙夜畏

天威合宮

帝來仰

我將一章十句

時邁序巡守告祭柴望也

皇上紹法

東巡望祭長白北海醫巫閭

時邁

虞巡舉惟

皇啓蹕途

白山洎北海

方鎮禮醫巫徧羣逮小祀

聖秩 升中孚養老百年間觀風五量符懷柔而震疊

聖主臨 陪都

時邁一章十句

執競 序祀武王也我

皇上回鑾恭謁

東陵告

聖誠焉

執競同周武永念

定鼎前三藩蕩平早

仁廟襲承

天七德釋止戈煌煌照簡編

世宗啓

高宗繩武拓九埏屢豐能保大降福

萬斯年

執競一章十句

思文 序后稷配天也我

皇上謁

陵報本先是

純皇作盛京賦

皇上今作頌追序告

天

祖傳位若合符節也

天皇泰元尊

感生敬迎迓維

祖

考配

天默顙如響射五至穀俱來

鄭箋五至以穀俱來歲歲通八蜡薦

馨定

元良仁育敷洪化

賦

頌
嬈

思文陳常于時夏

十月二日率獻冊諸臣詣

神武門謝

恩恭紀

小雪前一日六花宵微霽夙趨

神武門開霽及旦听

承筐三十賢椽筆力運斤錙錙何噦噦抗朔凌淵雲聯

翩 禁門外稽拜

天顧欣皤然一衰老領袖大雅羣自慙農與馬齒豁眊
不分敬告我僚友報

國匪多文願以袞繡手布作垂天雯大被億蒼赤衢壤

歌無垠

古意二首

雲鵠從南來憑風鼓北翼九霄聞韶奏重華適相得庭
堅偕龙降左右益與稷美哉賡卿縵光且無胸臆豈不
貴昌言如何尙緘默孜孜復欽欽稽古承天德

六三坤之謙有美含其章无成代有終三道光三綱文
言彖傳釋至柔動也剛小雪內卦貞所遇尊而光三五
兆來復天心見有常

臍發

臍發終日鳴草樹將改色先時豐其蔀本固枝不賊以

茲悟生理培覆慎消息行將小別之吾已豫防飭明春
觀我園萬葩賁然殖豈有神仙術保身同保國願以告
君子得養無傷盡

恩賜元狐毳袍恭紀

裘毳宜狐厚輕暄怡適躬不須燕玉煥可快楚風雄朝
服元端

錫

前年
元狐端罩

賜

溪居雪立融

君思念衰朽衣褐奏幽豐

送宋于庭孝廉

翔鳳

省親之大定

門人簡
之子也

客行臂發風裂顏八千路遠車班班問君何事踏冰雪

陟岵招我星橋關黔山上下二百里欽崎突兀不可攀
水流湯湯自頂下馬瘖僕痛飛鳥翔父官大方界滇蜀
苗獯馱舌聲絛蠻嗟君好古治經學文采珠玉投荒山
嚴親色喜置和上金闥拭鏡舞鰈鸞盤江左右誌曲折
銅鼓木閣攀芳蘭遙歸詩筆競奇險排雲奏賦披球環
我今老矣畱待子華林一發誰黃間

恩旨七十以上曾賞令紫禁城騎馬之一品大臣准自
製兩人昇擡小椅乘坐進內恭紀

循牆偃僂進次且策騎蹒跚笑驅驢

詔許肩輿清禁入先教辨色漏聲疎

六十以上許耆臣
卯刻進朝

不怯凌溪雪丞相應傳擁小車

帝軫衰鶩何以報願和四極旒維旗

送鮑雙五中允

桂星

典學中州

鮑生賦仙才起家自黃歙文章富于火清骨瘦可壓去
秋使中州嵩洛菁已獵今冬舉皇華鶴癰凌風怯問其
何以然作頌鳳吐脅齧發凌霜冰郵近漳易涉渡河卽
使院艮嶽卑踰躡憶我已卯秋曾策舉子業浩氣頗雄
渾細律少精愜河宋正臬景人物秀根葉懷孟產昌黎
蘇門鸞嘯啣歸來報

當宁五緯榮光接

奉

敕恭賦白雉擬古樂府

玉璣貺白雉來鞞鞬室韋鞠毼金氣霜露絜皚皚於
皇純孝通東垓月皓皓以金波日皎皎而瞰暉馴矯翼
于坐右羌耿介之素輦在昔周成九德玃靈越漢永平
白韃翹英孟山翺兮岱嶽精幡玃紛員鸞璫鳴六出豐
穰鳩鵲琤應候子月雉鳳庭太史不許書祥雲
德叶踟舞援神貞

帝省民歲惟

穹慶

送周石芳侍講

系英

典學四川

周君起湘南翹擢三楚秀瀛島有仙才包錫珍楠由清
名十六載鴻漸塞鸞喙屢充皇華使採掇藥籠富蜀惟
文章藪馬揚軾轍舊鳳皇七曲山氣上匡戴宿嗟君勤
周諏盤陀雲出岫我嘗神游之不得躬翼耐君會繪百
執方圓辨圭琇頗聞著神靈岷潼導江表浣花昔客游
詩筆長俎豆此行擢風雅先俾士俗厚輜軒報 彤庭
無忘根柢茂

三戒詩

少時精未定見色迎雙眸戒之在剛克柔牽無綢繆有

如攬明鏡花月影不畱我性空無住我情如雲浮交光
暫離合淡定化泡漚覓心不可得劒杳誰刻舟

旣壯氣方剛肝膽不可遏有物撓其中色變瞋已勃是
如風幡動心與相摩捽反鏡理是非人我誰分別有觀
他人弈勝欣負亦悅不競道用緩浩氣養不屈

及老神何歸知巧得自喜夕陽與朝露戀戀無時已誰
知道本無有名天地始氤氲更變化嘖嘖多事矣豈無
無極翁反約納黍米三觀了無得雲淨空不滓老矣吾
何求吉祥知止止

恭和

御製仲冬廿七日大雪詣 雍和宮拈香卽景成吟用

蘇軾雪後書北臺壁二首韻命諸臣和之元韻

曼陀蒼菊翦工纖一夜無風煦不嚴香界大千清淨飯
珠盤十二水晶鹽經宵亘晝連分野見睨融冰滴雪簷
默籲從心七日得

九皇空外轉杓尖

十月梅花噪白鴉

十月四日雪

小寒浹日碾瑤車

十七日小寒今日矣

應知歲省占三白早喜春前報六花丙子氣交金鼎室
盱眙誠感

玉皇家祥徵盈尺魚鼈稔晴仰西南掛畢叉

除夕

過去不可得未來安敢知春風升半月守此將何爲憶
昔丙寅歲十六名初馳煌煌京兆筵兩相雙璧詩當時
一揮灑驚到錢莊魁于今六十年愧我知己誰去年五
老會王紀難攀追巋然慙一老碩果畱高枝子孫與富
貴視若浮雲飛神仙壽且考何以慰溺飢虛空歸大化
請問無極師

知足齋詩續集卷三

知足齋詩續集卷第四

丙寅

大興 朱珪 石君

蒙

賜明程嘉燧溪山小景謹題

樓頭風雨喚詩才檻外溪山景自佳
欹枕壺觴客醉也忽驚霞綺夕陽開

南軒

今朝坐南軒東西觀我園日出瞰樽桑月落垂金盆
前山帶曲水後山通靈津冰雪皓滿地陽和活泉源
高下苞萬卉驚蟄脈脈存草暈與地窖一發胚胎屯
試待三

旬後咄哉香滿門

驚蟄

地雷未發聲驚蟄脈已動
蘇蘇草土根殷殷乳泉桐
翩以其鄰活活流成汞買鮪而得鯉
桃花開滿洞我園景如何
花氣欲穿孔遲遲春載陽
螻蟻債壘空

二月十八日

召見恭紀

金蓮未撤 御燈紅首對

清光前席聽眠食

容詢大健否孫曾覩縷小名通

明良情摯家如國忠惻誠孚道用監褻蹇難酬

高厚德無言脈脈抱微衷

玉蘭素木筆也淡而豔有翰墨香

玉蘭月夜瓊花觀七七催花娥舞粲揚州名勝天下無
移根北來皎素姝臨風美人鶴欲化翰墨香清儻史姁
執經弟子藜火青立雪中庭三臭馨名汝蘭言人服媚
研丹鵲峙隨影形

又詠玉蘭

筆花素絢何珊珊黃流在中瑟玉盤修嫋鶴立文章爛
臨風無言臭若蘭頰薄慍兮不可干靜美好兮春衫寒

奉君一心抱寸丹乾坤清氣眞知難

紅梅

梅花玉骨心金丹色香雙絕宜靜觀
酡顏眄睞兩通願無言臭味清于蘭
三生石上梅根老紫鳳雙飛春日杲
融融脈脈梅雨黃嶺頭數點陽回早

素碧桃

碧桃色似梅香味淨徘徊新漲桃花水
春風遲爾開

啓塞

陶復與陶穴可以觀幽風朔方有塞
花墜戶將毋同況彼木香閣土室藏
鳴中有如元鳥蟄緹幕葭灰煨今朝

分過旬五日清明通花奴爲啓簷梅花藥已紅木樨亦
上架盤枝何青蔥乃知人工得直欲參化工以此喻吾
道久閉時飛翀

十八日取道灰厰過石佛至戒壇

灰厰五里石熊虎僵無肉石佛始見土榆槐欲抽綠戒
壇八里紆窸窣入山腹憶昔乙酉春居憂尙縞服偕我
笥河兄竭來逝何速四十有二年衰齒七十六乘暇復
茲游山靈哂就木闔矣秉燭心何爲苦局促

羅睺嶺

上嶺復下嶺軒輊互突兀嶺脊旣磳磳嶺底又滑澁後

行躡前跟并足交摩罕是日春晴暄陰雨恐汨沒我游
何幸哉履險如康直午斜徑太平潭柘忽朗豁

潭柘

潭畱柘已空寺古幽薊前開山肇先晉不數隋唐年傳
聞龍象力有龍雙蜿蜒移湫忽泉湧沃此菡萏田山外
不見寺到寺環九蓮九龍戲元珠寶珠峯中圓東西兩
冽泉交注禪房偏萬竿蒼翠竹琅琅流觴船出門不見
水潛伏萬畝阡我欲就問道貫頂歸虛淵

題趙夢白先生手蹟

古今詩十一首書法天矯如龍蛇後題近作爲

尙甫書癸卯五月二十四日趙南星

高邑剛耿鄒顧儔疏陳四害羣邪離罷歸癸卯夏五月
感時陰雨吟綢繆清言霏霏十一首字畫奇怪生龍蚪
是年地震大雨雹妖書獄起生光劉公詩先見萬樹拔
杞人獨抱傾梁憂光熹環召眾正喜見泉無子委鬼彪
六芝摧殘高泐汨公亦戊戌終竄流莊烈贈諡定逆案
善人亾矣滄桑愁此卷流傳二百載忠毅浩氣充千秋
低徊癸卯感遺烈片紙珍重逾金球斯文元氣自不死
慢藏宜戒顧虎頭

喜裴子光學士謙力疾枉顧

舊雨如春風依依拂芳草裴君同臭味蘭言傾懷抱結
交四十年知君美文藻空谷擢奇英入室敦古道果然
龍劍氣延津躍天矯蓬瀛有根柢迤邐陟仙島豈不感
離合常苦會面少杖几歌德星我衰君亦老承華況同
侶

特達知遇好如何天衢近勇退沈疴撓今朝聞我病蹙
音屣欲倒相見說桑榆力疾問懊惱畱君款一餐性命
吾已了勸君無我念彭殤等壽夭我有死字訣心死神
不擾何不讀黃庭萬遍珍三寶

漫與一首

翬飛蜃化杳無端天女維摩一笑看舊事聯鑣矜先馬
新人攜手怯乘鸞漫嗤後輩推前輩誰識今歡卽古歡
若是同心吾臭味不言相對室如蘭

烟郊行宮

召對恭紀

緋杏淡如雪青松綠如繖升階臨前席

天咫近窺管

清問居游佳山塋箕籙敬陳清明暇三日春妍煖西山畢埽除古剎陟町疇戒臺松絕奇潭柘泉可澣

主恩賜休沐養病暫游衍官事幸無曠逸興得蕭散

卷四
霽顏若俞可偕樂民敢緩

團河

團河近黃邨鳳水繞而曲面執開行宮泉源噴珠玉我
昔曾游觀仙鏡竊翠隩春陽正熙妍清華湛水木
六龍此

時巡蒐射雉兔鹿列幕環鉤陳星火晃燈燭風和吹麴
塵時雨冥霖霖小憩鄰我友緒語飽饌鬻詰朝有敷奏
夙興咫尺光昱緩歸北紅門遙望西山綠

我思

我思眞益友愛我忘其私豈不感契闊忠告多良規情

空性乃見冰雪瑩肝脾舊雨摯而淑新雨暉以滋瀟瀟
紫竹林淡泊心素期願言君子交金石無渝虧

八藤

八藤前後垂綏纓紫皇張邸懸珠瑩仰觀幕帟穿漏景
宵晝不隔三光晶好雨餞春復迎夏膏沐裝鏡微淙琤
迦曇說法布空絡七寶下掛諸天盈散葩玉女塞香界
曼多羅舞迦陵鸚鵡蝶飛來羅浮翅蜜蜂採掇轟雷聲
我時晏坐憩其下交蔭卻暑疑高帡憶初扶朽復新植
壬春逮丙歲五更重甍枯木發稊蘗女妻過與兌巽井
氤氲化育自蕃長園林花實誰培成乃知元氣達萬彙

在宥廣大仁生生

恭和

御製將軍賽冲阿奏報舟抵臺灣搜捕餘匪情形詩以

誌事元韻

海隅蒐慝敢貪叨

天降元戎破浪濤雞鹿風披窮翅跡北南雷逐駭逋逃
萑苻伏莽人知悔旌賚先聲

帝念勞獲首佳音聽指日紅旗西渡看飛艘

四月朔日牛農曹

坤

邀予游崇效寺牡丹已過芍

藥未開向惠林上人索觀拙菴紅杏青松卷題者

甚夥王漁洋朱竹垞查初白皆有手跡此卷康熙
庚午歲作百二十年物矣亦可寶也

牛君招游棗花寺

崇效寺一
名棗花寺

牡丹已過藥未上人出

觀智樸卷青松紅杏田盤家辛亥卓錫庚午
十年繪景哦蒼霞王朱查筆自巨擘如聆仙梵鳴鸚
到今一百十七載先庚先甲電掣蛇我生辛亥七十
臘吟尖叉題觀滿卷新故水恆河不皺毗闍耶落英晚
節秋更好期君載酒看黃華

新筍

退思齋前數叢竹古藤屋北廿竿綠今春苞籜抽新萌

三十三莖生翠六我眼褊褊隔霧迷有客指點爲蒙告
茲時嫋嫋雛皇枝他日青青老鳳宿萬花紅紫公漫夸
三友鱗皴君不俗知音謝客載壺觴開徑爲爾招松菊

午憩

午憩藤陰下薔薇送香風長春千朶豔隔籬遙映紅招
客聊雅集談道俗慮空素心二三子不與譁羈同世味
競錐刀脫屣誰能空吾老勉未逮知止期有終他年一
揮手願駕青雲鴻

題方容齋編修

振

湖光山色圖

君家西山東湖間雲烟朝夕流灣澗湖光遙

按彭蠡闕

山色近覲匡廬顏我曾暫游宴高閣一攬名勝思鴻鵠
上追五嶺下九派扁舟坐臥窮瀛環方君夢想八翼奮
神游不帶齊楚關置身千仞小雲夢放意九點紆螺鬢
才羅羣雅日月富嗟我衰老空蒼斑歸來聊以抱吾蜀
黃庭萬遍往復還

喜十二姪錫爵自淮安守入京謁予直園

別汝三年闊相逢望月圓淮陰眞劇郡太守重仔肩行
水清黃地求民稼穡天吾衰農馬老不敢度康田

詠薔薇

薔薇植八本蟠根花樹間延緣施籬架左右分素殷中

有鴛鴦株五色交爛斑
匳開舞錦雉綺散霏虹山五行
攢太極誰測元妙關
眾香襲懷抱蛺蝶羅浮翺扶筇挹
薰風靜對怡衰顏

十九日薄暮喜雨

芒種前周時雲濃雨零澍

宸衷誠已格

時諭禮部于
二十日請祈雨

天澤先機赴庭花沃如醇
眾香氣噴霧近脚復傾聽色
聲愉以豫想當四遠郊麥禾催勃怒

九重慰宵衣三農抃雩籲大哉在宥仁敬獻後樂賦

好雨竟夜

丙申丁酉日小滿芒種交龍行淵將躍乾之三四爻君子朝夕厲

天民時勤勞惟動感先應疊疊達九霄百神氣伺志甘雨連肝寄入土優以渥淙琤潤根苗氤氲貫肢體睡醒息自調至美游至樂猶龍仰空寥

題無錫元華都事子舉妻陳孺人貞節堂春草軒
補圖卷

錫山華氏始發祥陳母教孤貞節堂功德都事早不祿有養恤緯春草芳廿八守志卅餘歲至元二載旌閭坊到今五百有餘禩巨族緜衍梁溪香幼武之孝陳母節

貽慶奚啻十世昌名賢題詠前代蹟丹青不朽千春長
三生淵源緬根蒂九龍之脈歸山岡披圖誰繪舊松柏
白華吹笙猶補亡常州志乘事可考似續祖妣毋愆忘
宋廉使銘以母老陳情改任京堂詩以奉賀
觀風十五載卿月又升階孝志笙詩奏

天俞與命佳扁舟秋水穩護草北堂蓼色笑迎暉景嚶
遷池鳳喈

至道

至道本無知知者妙不言求知已非道多言胡能存存
存復得得杳冥恍惚門入門更窺奧下帶卽本根吾無

隱乎爾空空誰與論歸求有餘師各報罔極恩

疏花

紅蓼與白蘋繇衍丹畦內根淡葉易長旱地雨露遂宗
生紅藥間雜樹非其類不如移植之傍池浸其帶我畦
旣疏達我池又映帶遷地各爲良蒲盧同旆旆芙蓉六
月葩蓼蘋交蔚薈宛如鏡中游風雲助搖曳乃知裁成
理扶疏妙工繪

謙士少司農惠枇杷

盧橘江南果甘香味勝梅司農分夏熟仙酒醞春醅桑
椹鳩同醉交梨蟻泛杯時以椹梨汁和酒取枇杷益之午飧齊食美護

秣滿園開

聞徐誠甫讓宅與姪世枚喜而有作

春秋大改過寤生樂泄融與人庭闈間錫類善頌封此
義志平生隱揚旌別同誰譽復誰毀短長視厥終作詩
示月旦吾道本至公

聖人

聖人體萬物欲淨乃見天不以矯自異委蛇蛻自譎食
色人之性真空無始前損之又損之致一壹壹先上報
罔極恩下解萬動愆忠恕道一貫所性惟乾乾

池南三首

池南池北對嫣紅魚子鳬翁唼喋通卓午憑欄無限意
蓮花窺鏡在鄰東

拳裳我昔襲芳人捐玦遺環問水濱心醉不知誰是客
芙蓉多處卽相親

曲水灣環次第開夏雲秋月共徘徊三庚早晚香風發
初夜朝陽仙袂來

燕巢

燕巢已逾月而我曾不知知足齋之北有居名遐思左
梁聞呢喃仰見乳厥兒其陰畦芍藥其陽蔭參差此屋
迎金護北望芙蓉池時鳴睨睨好況復藤柳垂夜月魚

跳波梅雨鳩逐雌長贏景如此恬知養自宜

平路

泥濘路崎嶇眼前多漠視利人且使我胡爲力私己功
德豈在大觀物各順軌康莊卽天衢君子所視履

寄生

衰榆幹已空實以兩桑枿臭味爾本同寄生互苞達培
取河邊土適當溽雨潑榆根挺未斷桑枝青又活不知
誰主賓生機中盪幹此理喻樹人陽長茅彙拔

蒔雜花

榆蔭西牆下暄潤爲之遮連年種桃棣偏苦少榮華我

爲鋤其畹南北亘不斜雜蒔畝芳草夏茂秋易花蜀葵
與紅蓼鳳甲丹如茶渺然望江南耆英傲霜葩化工吾
自哂春色回吹葭

蒙

賜董四墓桃恭紀

玉泉山北董四墓桃林仙植四百年果成離核漿沁齒
食之滿頰流甘涎地肥泉靈生敏樹玉池香美腴且鮮
上方分

賜比閩荔快啗雙顆疑豪仙景泰陵荒松柏濯王氣已
盡桃猶妍攜之歸遺嘉賓好九華峯下人如蓮

避雨獨坐 南書房感于耐圃王白齋梁瑤峯彭
芸楣諸公舊蹟

南齋地蓬瀛赫濯近

天咫當年羣雅直舊雨隨逝水獨憩觸予惛夢想見憂
喜願言告來者榮落難久恃

蒙

賜鮮荔支恭紀

鮮荔甘漿滿今秋霖雨多生從枝上摘色與味俱和香
遠經楓嶺舟行上劔河間關八千里
厯念洗天戈

題明沈石田評硯圖軸爲萬和圃侍郎作

玉魚銅雀同一弄匪人惟器求舊重卯金刀燬當塗高
鑿齒紫陽辨僞統到今千六百陽秋斫環解環明沈周
濁漳流惡洗不得建安才子瞞包羞棄藏拜賜齋名硯
山谷石田偕覲面姦雄文彩等浮雲高臺逝水空嗟怨
寅清稽古靖恭臣家有賢子傳其人讀書尙友分功罪
石瓦丹鉛聽完碎

碧山草堂吟社卷爲秦小峴大京兆

瀛

題

卷爲京兆先世

修敬先生遺蹟

六卿民望朝成康十老仙隱歌義皇碧山草堂在何所

九龍無錫梁溪香茶煙鑪火詩會古三百廿五秦園長
二泉後起已尙友京兆先蹟今餘慶嗟我三生澹寧夢
與公十世根因芳香山蓮社照千古陳荀星聚傳二方
石田居士擅名繪四美三絕鬚眉蒼知公什襲寶襖帖
高山流水義之王

遂園襖飲圖再爲小峴京兆題

京兆爲東海所自出

玉峯尙書遂園襖百年勝事今未央耆英十二典型宿
徐公昆弟星角亢當時爭名偶蠻觸史局歸臥方常羊
蒼峴宮諭與坐嘯小峴京兆能弄藏知人論世必求是
浮雲逝水空蒼茫

喜晴

雲表秋陽好雲開分外清
人心如皎景天道本空明
十日涼何早三庚氣自盈
老夫心浩蕩憂樂總關情

二十八日

今日灤河發升高萬騎過
廣仁開慧照鍾嶺俯圓陀
扶杖歡雷殷隨

鑾扈日歌西南應盼捷
霜露下秋河

恭和

御製

永佑寺後樓瞻禮敬述元韻

拜跪瞻空心惻愴地高

天近德功巍優聞愾見

神如在午卓秋清日正暉有景當前惟景仰無聲永慕
覺聲欬每懷

佑順誠先格遺大投艱民所依

種菊

昨日種秋英今風灑秋雨黃花得露灤馨發
知重陽前開花香滿戶吾衰甚矣夫晚節期貞固

恭和

御製創得齋元韻

竚窰欽崎西谷北環峯滴翠拱天極穹樓仰在山之巔
萬籟千巒好秋色三盤三竺緬登臨匡廬面目隨橫側
飛鳥凌空一雁過駿馬迴旋謹銜勒年年嘉勝覽其全
昔創今因欽晷刻

幾餘雲磴試追攀乾符坤契庚辰得

齊創建自乾隆庚辰歲實有天下得

之兆

人

恭和

御製曉行尋園卽景元韻

鶉火天東南大旗建黃罕瞰紅將昇霏露珠晞陽暖楓
丹閒草黃秋色空山滿儼俟駭而奔向背迷場曠翠微

陟己高險窮乃得坦詰武式三驅

前烈示紹纘

重陽後三日訪毓吏部

通

別業賞菊

乘軒出北門言尋招提右吏部有名園菊英芬懷袖主
人能好客杯酒爲我侑偏旨渺不見跛足扶筇扣賴有
鼻觀通微風送馨臭斯人勇恬退雲烟視貴富嘉賓多
不速素心適邂逅我衰興不淺空景忘塵垢歸歟期再
游朝市等林阜

恭和

御製命大學士朱珪扶杖入朝詩以紀事元韻

甲子九秋旬瞻

天近尋丈目眊隔朦朧步蹇虞迂枉

聖恩憐衰庸培渥久深廣金甌舊卜枚玉鳩今在掌
承華三十年清切依

高爽生逢

堯舜朝昌言進涵養自慚桑榆齡驚寵靈壽杖惟期日
孜孜一誠格俯仰體仁純粹精四德元爲長億萬祝
無疆元氣垓垓享

二十一日

召見

扶鳩上

殿陛謁覲承

清光自愧眇不辨視履今考祥

香案三十年親切侍

系皇戀

恩慙勇退自矢辰夏長解職得休暇忠告朝朝望勛哉
貞晚節黃花揚芬芳

讀張中丞傳後敘

此予前丙寅少作也
記憶不全偶爲補之

天喉夜斲張星死銜鬚忽噴紅蛇起豬龍爪下黑鱗圍
鬼刀割骨連心酸美人柔肌煮脂肉香滿睢城欲軍吳

排山動地捲沙來，厲魄殺賊如芟芟。許侯從容殉稍議，
殷輪斲指南興雷西望五原一。坯土安史鯨鯢化梟兔，
雙忠廟祀自千秋。日月江河此萬古。

黃葉滿徑一埽清疎，惟露菊英長春青松翠柏綠。
竹感而有詠

鯨霜降十日草木皆隕黃，落葉積滿道埽除畦畹荒落。
落五君子不凋亦不斂，菊英重晚節抑抑彌揚芳長春。
四時榮爛漫安其常，青松與翠柏三年逾人長綠竹戛。
金風嫋嫋抽新芒，物理有如此對景欣流光。

沈香枯片

沈香一枯片擬欲雜燒之怪其形模奇可以作軍持盥
醕重洗滌頗有馨香思椰子作念珠採彼黃英姿三薌
發鼻觀爨下畱品題物理何足咄珍重几案宜

姪錫爵蒙

恩調補江寧知府且奉

褒嘉竝

諭作書以家戒勸之恭紀

我家諸子姪愚哲不同量錫爵少不羈粗通章句行青
衿隸庠序廿三舉于鄉不旬伏佔畢仕宦銓南方上下
頗宜之試手磨劍將所尹皆劇邑餘繁人稱良翻然思
致身數年守河防力能惠澤國淮陰億戶疆量移江寧

郡管領江湖長前席得

覲咫尺奏對許精詳謂此汝家駒材識足以當臣愚三叩
首器淺盈其常

上曰汝作戒家國師其綱頹朽諄諄告爵也塞馬韁汝
才善控御空中駕虹梁今奉

敕致諭卽示

天命彰江寧六朝勝遺風金粉香十里秦淮河淫蕩鄭
衛狂此邦多先輩流濫未有央惟有棲霞山開河功過
章七屬皆大邑民瞰

天視光旨叔惟誠告二世殃慶襲

偶作

坤之謙六吉德盛禮彌恭太上有三寶慈儉讓乃盅易
傳繫易簡易從則有功無擾獄與市清靜民大同四代
共稽拜遐哉淳古風林放大復本儉嗟聖所宗無有少
爲貴欲問濂溪翁

賀王蓮府宮尹

宗誠

竝呈尊人春浦大宗伯

懿修

父子列九卿椿萱慶一堂槐省稱盛事皖江推仁鄉九
華毓靈秀地脈鍾青陽地防誰能知人事理可詳萬石
有家教恭儉讓溫良我願進一解報國匪文章何以思
厥職富貴真尋常頽然一老朽通家芻蕘將

蒙

賜石華魚恭紀

黃河北復南匯過保德州其地名天橋魚躍隨逆流上
者皆騰化蹕蹕落泉幽米囊過峽下迸撒如沸溝魚食
米而肥噉喁粒漂浮其地朔風早魚者施網鉤剖腹實
以冰三冬獻冰羞

恩賚逮

臣

家恰當南至周持以供 先祖餘慶蒙

天庥

十三日丙辰

南郊禮成恭紀

霏雪散椽欒星明照

紫壇睨消猶積瓦裘禦不知寒升降

天心見馨香

帝配歡默祈通脈脈求莫更思難

小寒

小寒氣肅肅六宇天醒醒我將乞休假可以逸我生從此避寒威或可轉律鳴不敢戀衰棧不忍憇然行承光三十年相將惟一誠如願非知足此意終交縈

芻獻二首

天道神難測民心惟一中知人可安臥

居所自持公

好惡無偏黨江河日蕩平

吳穹鑒信順三寶一精誠

知足齋詩續集卷第四